

# kontuola

**KONTUOLA**, Idolaz elkarte, **ANTZUOLA**. **Kazetaria:** Marijo Deogracias **Maketazioa:** Iñaki Iturbe **Publizitatea:** Uxue Zabaleta **Erredakzio kontseilua:** Miren Anduaga, Gotzon Iparragirre, Patxi Kortabarría, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

*Antzuolako hamabostekaria, 54. zenbakia. 2000ko martxoaren 10a.*

## Arduradun berriak Gaztetxean

Urtebetez izango dute Gaztetxeko ardura aurtengo kintoek

Ótsaileko lehenengo astean asanblada egin zen Gaztetxean arduradun berriak aukeratzeko. Eta ordutik aurren 18 urte betetzen dituzten kintoak dira arduradunak. Urtebetez izango dute kargu hori, baina urtea bukatu aurretik, Gaztetxe barik geldituko direla diote hantxe egin nahi diren lanak direla eta.

**H**orixe da duten kezka nagusia. "Udalak jaiak hasi baino pare bat aste lehenago erai-kin hau berrizteko lanak hasi nahi dituelako, agian jaietan ez da Gaztetxerik egongo. Horren aurrean, beste lokalak bat lagatzeko eskatuko diogu". Hamar lagun hauek (Haritz Alonso, Egoitz Jauregi, Xabi Vargas, Alberto Caceres, Jon Iturbe, Ieltxu Mendizabal, Eneko Zabaleta, Jabi Peñalba eta Josu Seguro), dena dela, gogoz hartu dute Gaztetxearen ardura eta dagoeneko hasi dira ekintzak antolatzen. Joan zen zapatuan esaterako, karnabaletako afaria egin zuten. "Hirurogei lagun etorri ziren afaltzera eta mozorrorik onenari sari bat eman genion. Uraitz Garciak irabazi zuen. Horrez gain, Udalak Aiherrera joateko autobusa antolatzeko ardura hartuko dugun eskatu digu. Asmoa jende gaztea bertara joan dadin animatzea da eta geu arduratuko gara kartelak ipini eta horrelakoetaz. Bestalde, hilabete honetan kontzertu bat egin nahiko genuke. Oraindik ez dugu dena zehaztu, baina hasi gara dagoeneko taldeei deitzen".

Guztiak mutilak izatearen arrazoia kasualitatea ez dela diote. "Gure adineko neskei ere esan genien Gaztetxeko arduradun izateko gurekin batera, baina



*Aurtengo kintoek osatzen dute Gaztetxeko arduradun talde berria.*

ez zuen inork onartu. Ez dira animatu, beraz denak mutilak gara".

### GAZTETXEAREN BEHARRAK

"Lokala bera ondo dago, baina musika ekipoa nahiko eskasa da. Musika ez da ondo entzuten; ekipo berria lortu nahi dugu. Agian laguntza eskatuko diogu udalari. Telebista ere gaizki dabil, baina oraingoz hori ez da lehentasunezkoa, musika ekipoa da beharrezkoa".

Gaztetxean berogailurik ez dagoela ez da gauza berria eta horretaz ere kexu

dira arduradun berriak; "neguan kalean baino hotz gehiago egiten du Gaztetxean, horregatik diogu berogailuak jartzea ez litzatekeela batere gaizki egongo".

Horiek denak aztertzeke, agian, asanblada berriz ere martxan jarriko dutela uste dute arduradunek, baina oraindik ez dute ezer erabaki "urtebetez bakarrik egongo garenez, ez dugu uste erretzeko astia izango dugunik". Asteazkenean zehar 17:00etatik gaueko 21:00etara egoten da zabalik eta asteburuetan 17:00etatik aurrera. ■

■ ■ ■  
Jaietan ez da Gaztetxerik egongo eta beste lokal bat eskatuko diogu udalari  
■ ■ ■

# Elkartasun erakusketa, arrakastatsua

Anerlkar elkarteak oso positibotzat jo du Hirugarren Munduari buruz antolatutako erakusketa. Ia 400 lagun izan dira Udaletxeko areto nagusian erakusketa ikusten eta gainera, Herri Ikastetxeko haurrek ere parte hartze zuzena izan dute. Botikak batzea ere oso ondo irten dela esan digute elkarteko kideek.




## E

uren lehenengo ekintza izan da eta oso ondo atera dela diote. Hirugarren Munduari buruzko erakusketa aktiboa jarri zuten udaletxean eta

eskolatik joan ziren 135 neska-mutikoez gain, beste 212 lagun ere izan ziren erakusketan. "Jendearengandik oso harrera ona izan du eta positiboa izan da oso. Orain arte, jaietan egiten dugun elkartasun jaia baino ez dugu antolatu eta ekintza honek izan duen arrakasta ikusita, lanean segitzera animatuta gaude".

Erakusketan bederatzi begiralek hartu zuten parte. Izan ere, erakusketa aktiboa zen, hau da, Hirugarren Munduko hainbat herrialdetan duten bizimodua gertutik ezagutzeko, hango jantziak ipini, bertako sukaldeko tresnak erabili, musika tresnak jo eta antzekoak egiteko aukera izan zuten eta horretarako begiraleen laguntza izan zuten. "Erakusketan parte hartu duten guztiei eman nahi dizkiegu eskerrak. Begiraleei, irakasleei, ikustera joan direnei eta baita antolakuntzan parte hartu duten 42 lagunei ere. Horrelako erantzuna izanik, gustura aritzen zara lanean".

Erakusketan bertan, Debagoieneko Gobernu Kanpoko Erakundeek kudeatzen duten Bidezko Merkataritza dendako produktuak ere jarri zituzten salgai. Denda hau Arrasateko Eroskin dago. Erakusketan, 40.000 PTAko salmentak egin ziren "erantzuna ikusita berriz ere herrira ekartzeko asmoa daukagu".



Ia 400 lagun izan dira erakusketa ikusten.

Umeek erakusketan parte hartzeaz gain, elkartasuna adierazteko asmoz, eskolarako materiala laga zieten antolakuntzakoei "kuadernoak, arkatzak eta antzeko gauzak ekarri zituzten".

Erakusketa Misiones Diocesanas elkartearen materialarekin antolatu zuten. Euskal Herriko 20 bat herritan egon den erakusketa da. Baina material horretaz gain, "antzuolar asko egon da Hirugarren Munduko herrialdeetakoren batean bisitan eta handik ekarritako gauza asko daude gure herrian. Horiek denak aprobetxatu genituen erakusketan jartzeko eta oso erantzun ona izan genuen jendearen aldetik. Askok izan ziren euren gauza partikularrak ekarri zituztenak". Udalak ere lagundu du Anelkarren eki-


men honetan eta 50.000 PTAko dirulaguntza eman die.

### BOTIKA BATZEA


Erakusketarekin batera Costa de Marfiera bidaltzeko botikak batu ziren. Herriko ikastetxean eta farmazian, guztira, 565 botika jaso dira.

### MOZANBIKERA LAGUNTZA

Anelkarrek Euskadiko Kutxan eta Kutxan dituen kontu korranteetan Mozanbikera bidaltzeko dirua jasoko du, bailarako beste Gobernu Kanpoko Erakundeekin batera. Lagundu nahi duzuen guztiok bertatik pasatu besterik ez duzue. Dirua Intermon elkartearen bitartez bideratuko da Mozanbikera.



*"Mozanbikerako diru bilketa egingo du Anelkarrek Kutxan eta Euskadiko Kutxan"*



## LARREA

### TABERNA

Kalebarren 17  
ANTZUOLA

## EGAÑA

Era guztietako arotz lanak

Tarima eta parketa jartzea  
Zoruen kutxilatua eta barnizatuak

Kalegoi 21, ANTZUOLA Tf.: 943 76 64 23

## GOROSTI

### Taberna

☎ 943 76 62 96  
Zurrategi plaza ANTZUOLA

# Dantzaldi jendetsua Inauterietan

**Inauteri arrakastatsuak** izan genituen Antzuolan. Eguraldia bikaina izan zen domekan eta gainera jende askok hartu zuen parte dantzaldian. Kalez kale ibili ondoren herriko plazan dantza talde bakoitzak bere tarte eskaini zuen, txikienetatik hasi eta helduenetaraino.

Jaia, ordea, bezperan hasi zen gaztetxean. Inauteri afaria egin zuten eta hau ere arrakastatsua izan zen.



Uraitz Garciak (ezkerrean) irabazi zuen mozorro lehiaketa.



Gaztetxean 60 lagun egon zen afaltzen.



Txikienek kantuan eta dantzan egin zuten.



Euskal presoak ere gogoan izan zituzten sorgin dantzan.

Iaz baino bikote gehiago animatu zen nesken taldean.

Hartza eta tximinoa ez ziren falta izan domekan plazan.




KALEGOI 19 ☎ 943 76 64 07

**Tomas Gezalaga**

**ANTZUOLA BERGARA**

- Zoruen kutxilatua eta barnizaketa •



**Z** Zabalo Iturgintza S.L.

Bidea eginez

**Tailerra:** Uzarraga bidea 10. Tf. 943 78 71 78

**Erakusketa:** Kalebarren 1. Tf. 943 78 71 79, Tf. eta F. 943 76 64 73

- Gasa
- Berogailuak
- Haize egokitua
- Enpresen mantenimendua
- Lurrin instalazioak
- Bero-aurrezteak
- Bainugelak. Proiektuak momentuan egiten ditugu DIBaren bidez
- Birgaitze-espeditentak bideratzen ditugu

# Ibilaldi neurtua

**Eibarren** izango da aurtengo eskola arteko ibilaldi neurtua. Hara joango dira Arrolarekin batera herriko neska-mutikoak, martxoaren 12an. Unben elkartuko dira bailarako neska-mutiko guztiak. Parte hartzaile guztiek diploma bana jasoko dute eta hamarretakoa ere banatuko da.



## MOTZIAN

### GURASOENDAKO IKASTAROA

"Sehaska kantuak, ume kantuak eta jolasak" izeneko ikastaroa antolatu du Udalak. Ikastaroa hitzaldirekin osatuko da. Lehenengo hitzaldia (martxoaren 21), "Kantuaren eta jolasaren garrantzia umearen garapen afektiboan" Miriam Azpirik eskainiko du. Bigarrena martxoaren 23an izango da: Lorea Bilbaok "Kantuaren eta jolasaren garrantzia eskararen transmisioan" izeneko saioa eskainiko du. Bi hitzaldiak udaletxean izango dira, 18:30etan.

### DANTZA IKASTAROA

Pasodoble, tango eta merenge dantzen ikastaroa izango da zapatuetan. Informazioa, Udaletxean edo liburutegian.

### ANJE DUHALDEREN KONTZERTUA

Martxoaren 24an, eguakitzean, kontzertua eskainiko du Anje Duhaldek Zine aretoan 22:00etan.

### IPUIN SAIOA LIBURUTEGIAN

Zapatuan, hilak 18, ipuin saioa egongo da udal liburutegian. Ixabel Agirresarobe ipuin kontalaria arituko da han eta Euskaldunon Egunkariako Mattin marrazkilaria izango du lagun. 17:00etan.

## GOIENKARIA KALEAN

Martxoaren 13an, astelehenean, argitaratuko da Goiena Komunikazio Zerbitzuak Kooperatiba Elkartearen lehen produktua: Goienkaria berezia. Bertan, hauteskondeei buruzko informazio zehatz eta osatua aurkituko duzu. Egunkari formatoko lau orrialdekoan bailara osoko eta herriz herriko datuak jasoko dira. Doan eskuratu ahal izango duzue nahi duzuen guztiok. Besteak beste, kiosko, okindegi, taberna eta hainbat lantokitako jate-txetean aurkituko duzue. Udalean ere izango da eskuragai.

## GIPUZKOAKO TXAPELKETA

Gipuzkoako eskolarteko gimnasia erritmiko txapelketan herriko lau neska aritu ziren Arrasaten. Alebinetan Maddalen Legorburu aritu zen. Esku libreekin lehia-tu zen eta boskarren gelditu zen. Infaniletan Uxue Arregi hamargarren izan zen, Iraitz Gaztiain hamalagarren eta Maddalen Toledo hamaboskarren. Apirilaren 8an jokatu dute txapelketa bigarren proba, Zarautzen.

Okerrak zuzendu eta Antzuolako euskeran emon

1. Beste egunian zintz egin nitzan.

1. ....

2. Ni Mikelena gustatzen naiz.

2. ....

Izen-abizenak eta telefonua: .....

**bertako hizkeria**



Aurreko Kontuolako erantzun zuzenak:

1. Amama eta aitaitta debalde jua dira Benidormera.
2. Ziburuetan ibilli zeinke.

**Sarituak: Jaime Larrea eta Haizea Aranguren**

Eskuman erantzunak idatzi ostian, moztu eta laga Antzuolako udal liburutegian, **DATORREN EGUAKITZA BAINO LEHEN.**

Erantzun zuzenen artian 5.000 pezeta eta "Antzuolako hizkera" liburuaren ale bat zozketatuko ditugu hamabostero.


KALEGOI 19 ☎ 943 76 64 07

*Tomas Gezalaga*

ANTZUOLA BERGARA

- Apainketarako eta industrialako pinturak
- Paper margotutak
- Mokatet eta tapizatutak

**GAILUR**  
taberna eta  
gozotegia



Buztinzuri 13 ANTZUOLA  
Tf. 943 78 70 32

**Igor eta Txomin**



Margoak orokorrean

ANTZUOLA BERGARA  
609 157 131 609 150 164

**ANTZUOLA**

Apainketak eta  
isolamenduak  
Pladurrezko dibisioak

Kalegoi 21 ANTZUOLA  
Tf.: 943 72 30 05  
Billegia: 943 78 70 40